

COMPLAINTE

A LA ROYNE MERE DV
ROY, REGENTE
en France.

FAICTE PAR LE SOLDAT

*Catholique, touchant les fausses ac-
cusations que l'on faict contre
les Peres Iesuites.*



1611.

THE ... OF ...

... ..

... ..

... ..

... ..

... ..

... ..

... ..

... ..

... ..

... ..

... ..

... ..



COMPLAINCTE A LA
 Royne Mere du Roy, faicte par
 le soldat Catholique.



ADAME,

Le commun aduis des bons & fidelles subjects de vostre Majesté, qui desirent de maintenir la paix & le repos en ce Royaume, ne semble viser à autre but qu'à faire renaistre & reuiure le supplice de Talion, veu que les partisans de l'heresie s'efforcent de iour en iour par leur faulxes accusatiōs, de rēdre odieux les Peres Iesuites. Or le droit Ciuil nous apprend que la dēposition d'un ennemy est inualide & de nul effect, de sorte qu'à bon droict les calomnies de telle racaille de gens, doiuent estre bastardies, & supprimées, faisāt souffrir aux calomniateurs les peines portées non seulement par les ordonnances humaines, mais par les ordonnāces diuines, cōme il appert par ces paroles, *Quiconque espandra le sang de l'homme, le sien sera resspandu; & qui tuēra de glauiue, mourra par l'espēe.*

*Authēt.
 de testib.
 §. si verò
 quis.*

Genes. 9.

Apoc.

13.

L'antiquité fabuleuse nous met en jeu les peines & les tourmēts d'un Tātale, & d'un

A ij

Ixion, & ce avec autant de cruauté que l'on peut excogiter, neâtmoins ie crois qu'ils n'ont point assez de rigueur encore, pour punir ces calomniateurs selon le poix de leurs démerites. A la verité si l'on voyoit esteindre le feu de leur escumante rage, si le brazier de leur haine, & de leur enuie s'amortissoit, s'ils iectoient tout à coup leur fiel & leur amertume, (sans nourrir dans leur cœur ceste felonnie opiniaftreté,) l'on auroit quelque espoir de leur amandement & conuersion, mais au contraire, la fin est pire que le commencement, au lieu de tenir bouche close, ils branlent leur cloche de Charanton, pour au branle d'une querelle, faire veoir sous vn malque contre-faict, ceux qui n'en ayment point la dance.

Lib. 10.

c. 12.

Le grand naturaliste discourant de la nature du Hibou, soustiet que cest oyseau, n'a rié en soy que de mal-encontr'eux & funebre, & dit encore qu'au lieu de chanter comme les autres, qu'il ne faict que gemir & l'amenten, que sa bastarde musicque n'est qu'un augure d'infortune: De tous les abayemens que l'on faict contre la venerable societé des Peres Iesuites, l'on en peut dire à iuste raison tout de mesme: Car si ceux qui les deschirent par leurs calomnies & vituperes, auoyent quelque chose contribué de la nature qui fust bon & salubre, ils chanteroient par leurs escrits toute louange,

ils publieroient leurs noms & leurs qualités par tous les cantons de l'vniuers, mais ainsi escriuant à la sourde, ils semblent pluſtoſt gémir que châter, pluſtoſt pleurer que rire, pluſtoſt ſe denonçer ambassadeurs de l'Ante-christ, que du Christ.

Quand à moy ie ſuis ſoldat, & non ſoldat, pour demōſtrer la valeur de mō courage au ſanglāt ſeruice de Mars, mais ſoldat pour cō. battre & rabatre les aſſauts des malins eſprits de ce ſiecle: Ie ſuis ſoldat & le veux eſtre, pour ſouſtenir le bō droit des vrays ſoldats de noſtre Eglise militâte, ie le veux, oüy ie le veux, puisque *Qui iuſtificat impium, & qui ſap. Pro- condemnat iuſtum Vrêque abominabilis eſt apud uerbo 17. Deum.* Vienne vienne qui pourra, que ces Catholiques à ſimple tonſure me guerroyēt tant qu'ils voudront, qu'ils faſſent gliffer leurs langues ſerpentines ſur ma bonne renommée ſi bon leur ſemble, ils me cauſerōt plus de plaiſir que de triſteſſe, ils renfōrciront mon courage ne plus ne moins que l'or paſſé par la fournaize, qu'ils s'approchēt de moy, s'ils croyent que leurs charmes ayēt aſſez de force pour me vaincre, qu'ils me dreſſent des embuſches de diſcours confis dans les ſortileges de leur mere Circé, s'ils preſument de terraffer ma croyance: Non, non. Ie ne ſuis point comme ces Atheniens, qui ſe laiſſoient charmer de la beauté d'une Phryné, & ne la puniſſoiēt pas ſelon ſa faute

criminelle, qu'ainsi ne soit, quand il plaira à
vostre Majesté (MADAME) de faire cesser
par le Zephir de vostre iustice, la tempeste
qui agite nostre nauire Catholique, vous re-
cognoistrez que ma ieunesse est nourrie sur
les plus fermes rochers de la constance, &
nō point sur les giroüettes de la fragilité, vo^s
recognoistrez dis-ie que ie suis pour ceux
Iust. lib. 8. qui tiennent que *Iure à Dysproximus habetur*
per quē Maestas Deorū vindicatur: Hé que se-
roit-ce d'un bastiment sans fonds, d'une re-
publicque sans gouuerneur, d'un Royaume
sans Roy, d'une Confrairie sans Confraires,
& d'une Religion sans Religieux (non que
ie veuille dire que les Iesuites soient seuls
Religieux de la Religion Catholique Apo-
stolique & Romaine) mais ie veux entendre
soubz ces parolles, que si vne fois par vne
fausse croyance l'on chasse & repousse ces
Peres de nous, que bien tost l'heresie florira,
& la vraye Religion n'aura plus de voix en
chapitre. O quel desastre seroit-ce lors, nos
ioyes seroient bien conuerties en larmes &
en souspirs, nos dances en regrets, & nostre
tranquilité en labeurs, nous pourrions bien
changer d'harmonies, & dire fort à propos.
Vrsus est in luctum chorus noster, lescecit gaudium
cordis nostri, Vae nobis quia peccauimus.

Si quelque Royaume perd son Roy, soit
qu'il soit prins esclauē d'un autre Roy, ou
soit que la Parque blesme le raniſſe, à la veri-

ré il se doibt affliger sans se feindre, & doibt
 changer ses plailirs en pleurs & lamenta-
 tions, aussi de priuer la France de Iesuites, à
 cause d'un faux bruit que l'on faict courir
 contre leur bonne reputation, c'est la des-
 pouiller, & la déuestir de son manteau Ca-
 tholicque, pour y faire regner non seulemēt
 l'heresie, mais l'idolatrie quand & quand:
 Preuoyés (MADAME) ce qui est de meil-
 leur pour la tranquillité de cest Estat, vostre
 esprit en est capable, & plus capable mille
 fois, que l'affaire n'est de consequence, c'est
 un grand point pour la Couronne que la
 foy, c'est ce qui la colloquera en son Apo-
 gée, & sur le plus haut poinct de ses triom-
 phes que la Religion Catholicque, & n'e-
 stoit ainsi ce texte seroit faux, *si pietas manet D. Hye-*
regnum delectat, si desit pietas turpe est impe-
rium & plerumque noxium: Ce qui ne peut
 estre tāt la vie & les mœurs du Saint per-
 sonnage qui les rapporte, sont manifestés &
 celebrés en l'escriture.

Ie me plains à la verité, & non sans cause
 ie me plains, voyant tant de discords & de
 desordre, ie deuens comme vne statuë d'e-
 rain sans mouuement & sans haleine, bref
 ie me meurs, & plusieurs comme moy vōt
 mourant, si bien tost vostre Majesté ne faict
 cesser le son de ceste cloche diabolicque,
 qui donne l'alarme par tous les cantons de
 la France: Vous n'ignorez pas (MADAME)

des propos que tient ce beau sonneur de
 Tocfin à l'encontre des Peres Iesuites,
 Il les nomme oyseaux voltigeans par tout,
 mais il ne pense pas si bien dire, toutesfois
 entre autres faisant veoir son impudence &
 l'erreur de ses opiniōs, il reputé le Pere Co-
 ron pour comedien ou bastelleur, mettât en
 auât que la bien-veillance que le deffunct
 Roy luy portoit, n'auoit pris son origine que
 par ses hypocrisies, & boufonneries risibles:
 Opinion toute erronée, & qui desmentiroit
 vostre Majesté, si par le moindre de vos sub-
 jets elle en estoit requise pour tesmoing;
 Las! ce peut-il trouuer sous le ciel hōme, ou
 qui que ce soit, qui respecte les Ministres de
 nostre Eglise, qui puisse dire que ce reuerēd
 Pere ayt commis acte deuant sa Majesté, n'y
 en pas vn lieu, qui n'ayt esté accompagné
 d'autant de pieté comme de prudence & de
 sagesse? Que veulent donc ces Cerberes,
 que demandent ces harpies, puisque ils
 nomment ainsi les Iesuites? ne sont-ils pas
 contents de leurs franchises libertés, sans
 vouloir captiuer la liberté mesme, ils se pro-
 mettent de renuerser par leurs liures la do-
 ctrine de ces Peres, veritablement tant le
 diable a d'inuention, ils en pourroient effe-
 ctuer quelque chose, comme estans disci-
 ples d'iceluy: Mais s'ils consideroiēt la signi-
 fication du mot de liure nommé par les La-
 tins *liber quasi liber*, Ils trouueroient inconti-
 nent

nent qu'ils se mettent en esclavage, & qu'ils
 quittent la vraye liberté. Pour cela baste,
 qu'ils soient auides de l'inconstance, si l'in-
 constance est leur espoir, au pis aller ce sont
 nuages qu'ils caressent pour la beauté d'une
 Deesse, ce ne sont que des Centaures qui
 sont naistre à leur prejudice & dommage,
 c'est, ie le voy, qu'ils veulent ressembler à
 ces peuples d'Ethiopie, nommés par Pli-
 ne & par Strabon Troglodytes, pour com- *Strabo. lib.*
 me eux substantier leur nature dénaturée de r.
 serpens & de couleures, c'est dis-je, qu'ils *Plin. lib. 2.*
 veulent estre comme Pigmalion, enclins à c. 62.
 baisotter vne Idole inanimée, pour quitter
 & le iugement & la vie : Abus, abus, Vanité
 des Vanités, comme dict le Sage, ambition
 folle d'Icare, orgueil desordonné de Phaeton,
 à toy qui que tu sois autheur de l'Antico-
 ton, ton pouuoir est trop petit, pour exe-
 cuter ce que tu presume, tes argumens n'ont
 point assez de preuue, pour rendre les le-
 suites coupables du crime dont tu les accu-
 se, bref tes filogismes sont si faux, que tu te
 declare en estre plustost l'inuenteur que
 d'entacher à ce subject aucunement leur re-
 nommée : Toutesfois il faut excuser vn peu
 ta faute, car si tu auois esté bon Logicien, tu
 recognoistrois incontinent ce qui est de ton
 asnerie, & du forcenemēt de tō esprit, mais
 ie crois que les escrits que tu as peu prendre
 de ceste science, ont tous faict hommage au

pays bas des Beurrieres de ceste ville. Quand à ton successeur de mensonges & d'impostures, qui s'est rendu compaignon de la grosse Margot, il demonstre aussi que si toute la sagesse estoit ensemble ramassée, qu'il n'y en auroit pas suffisamment pour faire pondre ses poules. Il a donc appris comme toy l'art d'ignorance & de folie, le style à discourir à la huguenoterie, & d'anagramatiser sur les noms, comme ses opinions luy permettent, mais ie l'aduertis qu'il se garde que l'on n'empestre son col à la fin d'un cordeau d'ignominie. Ce que i'en dis (Messieurs les minotaures) qui portez au front la marque de l'humanité, & tout ce que ie vous puis représenter deuant les yeux, tant de vostre ignorance que de vos effects trop effrontés, n'est point pour distraire de vos cœurs la ioye, que la naissance de l'antitus de la cressonniere vous apporte, ains c'est pour vous aduertir d'abondant qu'en fin toutes vos calomnies ne vous peuuent acquerir qu'un gibet, ou vous ferez à l'honneur & à la vie bâqueroute. Blasme sur blasme, imposture sur imposture, orgueil sans mesure & sans compas, quoy? n'estre contents de diffamer les Peres Iesuites de tous costez, s'attaquer encore à vostre Majesté, la parangonner, (pour vouloir maintenir ces Peres) à ce Roy qui pour un tableau de Protogene, mit en proye le fruct & l'honneur de sa victoire,

*Deme-
trius.*

outre cela de faire des libelles à la huguenote, contre le reuerendissime Euesque de Paris, pour auoir aprouué la responce Apologeticque, au seditieux libelle de l'Anticoton, quoy? s'efforcer de iour en iour de destruire & rompre le caractere des bonnes & catholicques impressions dont vostre esprit est iouyflant: Quel est le but ou visent leurs conceptions, sinon qu'au remuement de la querelle? dequoy couurent ils leurs impostures, sinon que du retardement qu'ont faict ces Peres, à faire leur responce Apologeticque: Ce qui les enseuelist de tout poinct au tombeau de leur ignorance, car *homo Sapiens tacebit vsque ad tempus, lasciuus Ecclesiast. autem & imprudens non seruabit tempus.* 20.

Quand à moy (MADAME) i'ay vne croyancedans mon ame, que la cause principale qui incite & prouoque vostre Majesté, à maintenir de tous costez les Iesuites, malgré toutes les accusatiōs que l'on peut faire à l'encontre d'eux, n'est autre que leur pieté, leur bonne doctrine conioincte avec leur patience, voulans & s'efforceans de calmer par icelle les bourasques & les tourmentes, dont l'enfer iournellement les agite, aussi le Poëte dict fort à propos,

Gaudet patientia duris

Lucanus.

Latior est, quoties magno sibi cōstat honestū.

Qu'elle patience plus grande pouuoient ils auoir, estans à tort & sans cause abayez de

toutes parts, pouuoient ils plus longuement attendre, pour mettre en piece la robbe dont l'on vouloit couvrir leur innocence, bref n'ont-ils pas fait sagement, de contre-batre leurs ennemis apres tant d'assauts & de sermonces, où y, où y (MADAME) il estoit temps de faire taire ces grenouilles, qui par leur iargon importun empeschoiēt que vos oreilles n'entendissent vn doux ramage; Si grenouilles ie les nomme, ils ne s'en doibuent point scandaliser, car tout ainsi que ces animaux ne se plaisent qu'en la fange, de mesme les calomniateurs n'appetent que les troubles & les dissentions, n'ayans pas la cognoissance que, *aduersus virtutē hoc possunt iniuria, quod aduersus solem nebula.*

Senec.

L'auteur anonyme de l'Anticoton, au commencement de son libelle promettoit qu'au cas que les Iesuites respondissent à ses objections de point en point, que sur le mesme subject il rescriroit, & qu'il se feroit à cognoistre, tant par son nom que par sa qualité, mais ores l'on voit qu'il n'est pas homme de promesse, & qu'il est comme les griues entaché de surdité, toutesfois il sçait possible ce Prouerbe, *tacens est qui inuenitur sapiens & est odibilis qui procax est ad loquendum.*

Sap. Proverb. 20.

C'est vne chose tres-certaine que *vnus dies eruditorum hominum plus patet quam imperiti longissima ætas*, aussi cest auteur recognoissant son asnerie, il ne l'a pas voulu d'a-

Sen. epist. 79.

uantage diuulguer, se contentant d'auoir acquis mille fois plus de vitupere, qu'il n'en pouuoit donner aux Iesuites par les men-
songes & calomnies. Je sçay (MADAME)
que vostre esprit peut s'imaginer beaucoup
de choses, voyant le Grand HENRY dans le
tombeau, & voyant que l'on vous repre-
sente deuant les yeux tant de diuersités
de la cause: Ce seroit pour alambicquer vo-
stre ceruelle, n'estoit que vous recognoissez
fort bien que *omnis fœlicitas seculi dum tene-*
tur, amittitur. A la verité si le Clergé accusoit
par viues raisons ces bõs Peres, du crime que
les heretiques leur infere, vostre Majesté le
pourroit croire, mais tant s'en faut, le Cler-
gé les supporte & les maintient de tout
son pouuoir, & mesme vous persuade à
bonne raison, qu'ils doibuent estre reestablis
en leur College: S'il estoit ainsi, que ces Pe-
res fussent coupables de Kenorme parricide
commis en la personne sacrée de nostre
deffunct Roy, HENRY le Grand, Monsei-
gneur l'Euesque de Paris auroit il approu-
ué leur responce Apologeticque? est-ce
pour la confederation qu'il a avec eux, si-
non que par la charité qui l'a esmeu de ce
faire? Non, non (MADAME) ce n'est rien
que la hayne & l'enuie de la bien-veillan-
ce que vostre Majesté porte à ces Peres, qui
causet tant d'abayemens à l'encontre de leur
bonne renommée, c'est qu'il faut que ces

D. Hye-
ron. lib.
7. sup.
Isay.

calomniateurs fassent veoir aперtement ce que le Poëte rapporte discourât du naturel.

Propert.
lib. 3.

Natura sequitur semina quisque sua.

Arist.
lib. de a-
nimal.
incessu c.
11.

Les Philosophes approuuent ceste autorité, apres auoir par plusieurs & diuerses fois disputé & contesté sur icelle, en voicy les mots propres d'Aristote, qui me serviront de preuue pour mon dire, *Natura nihil contra naturam facit.* Estás huguenots, ou du moins nourris à la huguenoterie ces Messieurs les calomniateurs, il est impossible qu'ils puissent aymer les Iesuites, n'y qu'ils en puissent dire du bien, car ils n'ont guerre plus cruelle qui renuerse leurs fausses opinions, que les saintes Predicatiōs de ces Peres: Hé ce subject a-il de la capacité pour banir les Iesuites de la France? Ce subject sera-il cause que les bons & fidelles François ne soient plus en doctrine de leur doctrine salutaire, faudra-il que pour entendre abayer vn cerbere, nostre Religion soit renuersée? Non, non (MADAME) monstrez en cecy que vous auez vn masle courage, monstrez que vous estes nostre Princesse legitime, monstrez que vostre pouuoir est grand à ces mutinez qui l'ignorent, la necessité le requiert, non seulement pour le repos du public, mais aussi pour la conseruation de vostre Royal Diademe: Quoy que ce soit, que vostre Majesté ne se laisse point endormir au chant frauduleux de ces Syrenes, ains continuez

de iour en iour le zele & l'amour que vous portez aux Peres Iesuites, ce faisant comme vray Soldat Catholique, i'employeray iusques à la mort tout ce qui dépend de ma foy, pour monstrier par les effects que ie suis.

D. V. M.

*Le tres-humble & tres.obeysant
subject. N. D. P.*

